



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 一九二

御製文集四十卷御製文第二集五十卷御製文第三集五十卷

御製文第四集三十六卷（御製文第二集卷五至卷五十） 愛新覺羅玄燁撰

御製文第二集卷五目錄

勅諭

諭吏部

諭刑部

諭大學士勒德洪明珠

諭大學士明珠王熙宋德宜余國

御製文第二集

卷五 目錄

柱學士禪布吳喇岱額爾赫圖

色稜格舜拜吳興祖徐廷璽盧

琦

諭大學士勒德洪明珠王熙宋德

宜余國柱學士禪布額爾赫圖

色稜格舜拜吳興祖徐廷璽盧

琦

諭大學士勒德洪明珠王熙宋德

宜余國柱學士禪布額爾赫圖

色稜格舜拜吳興祖徐廷璽盧

琦

諭內閣

御製文第二集

卷五 目錄

諭大學士勒德洪明珠

諭大學士勒德洪明珠

諭內閣

諭大學士明珠學士禪布額爾赫

圖舜拜

諭尚書鄂爾圖郎中伊爾克圖溫

保

諭八旗都統三品以上官

諭滿洲管漢軍副都統叅領等

諭內閣

諭內閣

諭大學士勒德洪明珠學士齊稽

額爾赫圖舜拜多奇凱音布趙

山

諭戶部

諭刑部

諭大學士明珠

諭大學士明珠

御製文第二集

卷五 目錄

三

諭內閣等衙門

諭大學士勒德洪等

諭大學士勒德洪等

諭內閣

諭大學士

諭大學士

御製文第二集

卷五 目錄

四

御製文第二集卷五

勅諭

諭吏部

國家設官分職原以綏靖地方惠養黎庶
督撫爲封疆大吏表率屬員尤須才守兼
優繕練政務方於吏治民生實有裨益巡

御製文第二集

卷五 勅諭

一

撫于成龍自爲縣令以至郡守素秉清操
愛民盡職遂從臬司超擢巡撫簡任以來
孤介自持清廉益著釐奸剔弊扶弱鋤強
境內謐寧旗民允服殊爲可嘉從優特加
太子少保以爲廉能稱職者勸爾部卽遵
諭行特諭康熙二十六年四月十二日

諭刑部

時已入夏天氣亢暘雨澤尚爾愆期農事
似有可慮或因刑名案件內無知罹法審
擬失當情罪不符致干

天和亦未可定茲特遣勒德洪余國柱達
哈塔科爾坤王日藻徐廷璽等會同三法

御製文第二集

卷五 勅諭

二

司將已結重案現在監禁者逐一詳加審
鞠如有罪可矜疑者卽與查明事由開列
具奏務期情法允協不致淹滯監斃以副
朕欽恤刑獄感召休祥之至意特諭康熙
二十六年四月十五日

諭大學士勒德洪明珠

汝等可傳旨於八旗滿洲蒙古都統等令
於各旗中阿思哈尼哈番等官以下拖沙
喇哈番等官以上或微末秩員又或初爲
部院官後襲父兄世職隸旗下者果有其
人正直才具優長而敬謹小心爲國勤勉
素行端方者一旗之中或三四人或一二
人以其真知灼見保舉奏聞引見於部院
用之此保舉之人旣用後與其所保奏乖
違不符者其保舉之都統副都統等連坐
重罪之必不姑恕如各旗無可舉之人則
已或恐坐舉主心懷畏懼隱其真正才賢
不肯保奏甚無謂也可令各該旗都統副

御製文第二集

卷五 勅諭

三

都統於二十五日以所舉之人引見奏聞
康熙二十六年四月二十三日

諭大學士明珠王熙宋德宜余國柱
學士禪布吳喇岱額爾赫圖色稜
格舜拜吳興祖徐廷璽盧琦

聽政之時科道侍班言官自恐失儀心切

御製文第二集

卷五 勅諭

四

畏懼以致條奏者甚少凡啓奏官員果有
失儀朕自降旨或其人自爲檢舉科道侍
班罷之誠是且科道官多起自疎遠進退
周旋未經嫺習朕欲以其建言爲要務雖
有小過朕亦不計也其宣旨於九卿詹事
科道此後科道侍班其已之康熙二十六

年四月二十六日

諭大學士勒德洪明珠王熙宋德宜

余國柱學士禪布額爾赫圖色稜

格舜拜吳興祖徐廷璽盧琦

各項採買估計價值前浮冒欺飾者甚多

是以數日令其核減今所減者太過恐致

御製文第二集

卷五 勅諭

五

苦累可令察訪時價量度估計康熙二十

六年五月初二日

諭大學士勒德洪明珠王熙宋德宜

余國柱學士禪布額爾赫圖色稜

格舜拜吳興祖徐廷璽盧琦

凡諸修造工程其估計在前今照新例銷

算又今所定例凡物料匠役工價核減太

過至於苦累皆未可必前此修造已完者

其仍照原估計銷算凡各項物料所值之

價俱訪時價量度估計銷算康熙二十六

年五月初二日

諭內閣

御製文第二集

卷五 勅諭

六

八旗滿洲蒙古漢軍官員人等家僕開戶

於旗分及佐領並民籍已爲官者捐納候

缺者捐納俊秀以上無論已補官未補官

者令各旗都統副都統叅領佐領等逐一

嚴察明晰開送吏部吏部具聞請旨康熙

二十六年五月初四日

諭大學士勒德洪明珠

雅克薩地官兵中烏喇寧古塔兵可還至
愛渾城盛京兵可還至墨爾根地竝令屯
駐息馬過冬其事宜議政王貝勒大臣會
同詳議以聞康熙二十六年七月初六日

諭大學士勒德洪明珠

御製文第二集

卷五 勅諭

七

黑龍江官兵口糧關係至重屢次轉運米
數并黑龍江墨爾根地方接續所種米數
宜加察明自盛京等處廣運米石以爲久
遠裨益之計此皆當周詳區畫又發遣彼
處游手無事之人甚多其口糧作何酌給
耶前至黑龍江一帶乃徑直通衢往來轉

輸斷不致稍有阻滯如蔡毓榮等巨富之

人竝殷實之家槩予口糧殊覺未當彼處

漢軍皆著察出披甲當差游手無事之人

可分設官莊廣開田畝以爲恒產令戶兵

二部賢能司官迅往逐一察明到日確議

具奏康熙二十六年十月初一日

御製文第二集

卷五 勅諭

八

諭內閣

今年各省鄉試正副主考朕所未識者頗
多止據本內開列之人酌量點用今覽各
省進呈題名錄內所出題目未當者甚多
如福建省試官所出第三場策內問臺灣
一段竝不知地方形勢事宜蒙昧出題悖

謬已極此外各省亦有未當者漢大學士
學士等將各省呈覽題目及題名錄詳加
檢閱若有悖謬最甚者察出叅奏康熙二
十六年十月初三日

諭大學士明珠學士禪布額爾赫圖

舜拜

御製文第二集

卷五 勅諭

九

今當軍政之年聞斂取兵丁以爲定規餽
送兵部此等情事朕不傳旨指明然亟應
禁絕又聞每年奏銷兵馬冊亦稱定規斂
取兵丁餽送該部此皆勒索於軍民者也
其弊亦宜永行禁止可傳諭兵部康熙二
十六年十月十八日

諭尚書鄂爾圖郎中伊爾克圖溫保

黑龍江至爲要地兵丁勞苦朕罔不知曩
者俄羅斯漸次入犯占踞我達呼里索倫
等處擾害邊疆四十餘年無如之何後備
足軍食永戍黑龍江以困逼之俄羅斯遂
窘迫至極乃屢次求和今彼之使臣已來

御製文第二集

卷五 勅諭

十

尚未曾至苟糧儲不足則如沙爾瑚達塔
海等之往征而不能成功矣此事未經年
遠朕親所聞知且亦衆所共悉也朕所委
曲區畫自盛京等處轉輸糧食及令所種
米穀積貯至裕彼地大臣官員皆不思撙
節濫給於無用之人苟且草率希圖軍儲

罄盡勢必將彼等撤回彼等誠能以身家性命力保俄羅斯斷不來犯朕自撤回之也我之官兵撤回俄羅斯大衆難以齊來彼地將軍官員固皆稔知然或一二人或十餘人陸續聚集於黑龍江松花江之間構造木城盤踞其地則我取之維艱是俄

御製文第二集

卷五 勅諭

十一

羅斯爲主兵而我反爲客兵也今我惟多貯糧食永戍官兵則我兵得逸而俄羅斯兵爲勞矣如此則俄羅斯零星來犯斷所不能欲大隊侵入則彼糧食何能挽運耶若黑龍江我兵不行永戍自松花江黑龍江以外所居民人皆非吾有矣爾等皆係

選擇差遣往至彼處殫心竭慮務期爲久遠充裕之計詳加籌議惟此一舉也亦無事再遣矣康熙二十六年十月二十四日

諭八旗都統三品以上官

凡人之行莫先於孝近者漢軍居父母之喪親朋聚會演劇飲酒呼盧鬪牌儼如筵

御製文第二集

卷五 勅諭

十三

宴毫無守制之體至孝服鞍轡等類所用素帛皆異常華美喪禮止當服用粗惡豈宜華美耶居喪演劇滿洲所無漢人亦未有特漢軍爲然耳百行以孝爲大如此所行以爲孝道其他又何足觀也又漢軍外官赴任每借京債整飾行裝務極奇麗且

多攜僕從致債主抵任索逋復謀膳僕從
衣食勢必苛斂於民以資用度且親朋債
主疊往任所請託需索不可數計是官雖
一人實數人爲之以致朘削小民民何以
堪又漢軍外官不能騎射乃自稱行獵多
帶鷹犬歇宿邨莊滋害於民禽獸本在山
野豈在邨莊耶又漢軍服用多僭越非分
終日羣居以馬弔飲酒爲樂此等物力從
何而出有非苛取諸民者乎漢軍習尚之
惡已至於極如原任總兵諾邁原任提督
哈喇庫祖永烈等於任所多買良民帶歸
原任總督張長庚原任巡撫張德地韓世

御製文第二集

卷五 勅諭

十三

琦等皆貪婪虐民居官甚劣今著漢軍都
統副都統等凡有居喪演劇飲酒呼盧鬪
牌者照賭博例嚴行禁止在外漢軍官員
任所有親朋債主前往請託需索貽累小
民者亦令察訪指名題叅朕此諭旨專爲
敦厚風俗陶淑人心而起使漢軍居官者
皆似總督范承勳巡撫于成龍之善朕又
何諭之有此旨令徐廷璽傳諭康熙二十
六年十月二十六日

諭滿洲管漢軍副都統叅領等

向因漢軍習俗不善故以爾等補授漢軍
副都統叅領欲訓練其騎射導率以矩範

御製文第二集

卷五 勅諭

十四

一如滿洲也近見竝不教以騎射凡事不能使之倣法滿洲反有不肖者恐嚇漢軍指摘其短希圖索詐此朕所深悉嗣後尔等務加悛改善爲教訓漢軍可耳康熙二十六年十月二十六日

諭內閣

御製文第二集

卷五 勅諭

十五

凡叅劾貪官其受賄作弊之處因未曾親覩無所憑據畏縮而不行叅劾者甚多今間有彈章亦止據風聞叅劾耳豈有身與之通同受賄作弊而顧肯叅劾之耶向者原有風聞糾彈之例

世祖皇帝時及輔政大臣停止今再行此

例貪官似有倣懼若有挾讐叅劾者審明果係挾讐自有反坐之典在可著九卿確議具奏康熙二十六年十一月二十日

諭內閣

御製文第二集

卷五 勅諭

十六

近見支用修造等項奏銷錢糧時該部不准駁回者甚多此等奏銷屢行駁回官員未必捐索補給亦止派取民間耳如此則百姓愈苦向因需用孔亟故奏銷者未卽准行今公帑竝非匱乏之時奏銷案件不必駁回應卽完結此等事不行駁回在官員雖稍獲便利而於百姓乃大有裨益也可傳諭九卿詹事科道康熙二十六年十

一月二十日

諭大學士勒德洪明珠學士齊穡額

爾赫圖舜拜多奇凱音布趙山

今聞外藩蒙古出喀倫哨地有侵害搶擄

喀爾喀之巴爾呼等蒙古者甚多以後著

嚴行禁止毋使妄行其下理藩院確議以

御製文第二集

卷五 勅諭

七

聞康熙二十六年十一月二十一日

諭戶部

朕惟自古帝王統御萬方又安九有單心

懷保節愛攸先期於物力充裕爰以振業

黎元俾膏澤旁流咸蒙美利朕自御極以

來軫恤民依力圖休養惟理財爲裕國之

大經蠲貸爲愛民之實政歷年敦崇節儉

嚴核浮冒蓋欲爲布德行惠之資頻年以

來各省錢糧雖已次第蠲免但江蘇所屬

各郡縣爲財賦重地額徵錢糧甲於他省

且累歲輸將供億効力維勤茲用大沛恩

膏除漕項錢糧外所有康熙二十七年應

御製文第二集

卷五 勅諭

六

徵地丁各項錢糧俱著蠲免二十六年未

完錢糧亦悉與豁除又陝西省錢糧前雖

已行蠲免但念該省人民用兵之際轉輸

餽餉効力可念再宜加恩以弘樂利其康

熙二十七年應徵地丁各項錢糧及二十

六年未完錢糧亦著俱與蠲免尔部速行

該地方官通行曉諭務使小民均霑實惠

以副朕愛育蒼生至意如有不肖官吏借

端朦混及私行重徵者該督撫指名題叅

從重治罪如該督撫徇隱不行糾舉或經

叅奏或被告發定行一併從重治罪尔部

卽遵諭行特諭康熙二十六年十一月二

御製文第二集

卷五 勅諭

九

十六日

諭刑部

朕侍奉

太皇太后朝夕承歡祇遵

慈訓竭誠奉養今者

聖躬偶爾違豫朕夙夜滋懼寢食靡寧仰

冀

上天眷顧俯垂默佑惟思好生以迓

天庥寬大以延遐壽所有內外問刑衙門

現監重辟人犯除十惡死罪及貪官光棍

不赦外其餘已經奉旨監候死罪重犯概

行減等發落以昭朕祈

御製文第二集

卷五 勅諭

十

天永佑至意尔部卽遵諭行特諭康熙二

十六年十一月二十七日

諭大學士明珠

太皇太后聖體違和以來醫治萬端罔克

奏效未卽安善甚爲可慮朕靡朝靡夕不

勝憂懼茲欲躬詣

郊壇虔行禱祀保佑

太皇太后慈躬和豫永獲康寧可將朕意
傳示九卿康熙二十六年十一月二十九
日

諭大學士明珠

自

御製文第二集

卷五 勅諭

三

太皇太后違和以來朕在宮中無日不虔

潔精誠默行祈禱乃

太皇太后聖體大漸似無一分可以冀望

矣如稍有可望之機亦不敢起躬禱

天壇之念今竟毫無冀望何計可施惟有

竭抒誠悃叩祈

上天之眷佑耳竝非沽取虛名徒事粉飾

爲也皇皇上天其可欺乎將此諭旨向諸
臣傳示之康熙二十六年十一月二十九
日

諭內閣等衙門

朕自

御製文第二集

卷五 勅諭

三

太皇太后違和以來心懷憂慮日侍

左右檢方調藥親侍飲饌

太皇太后寧憩之時朕惟隔幔靜俟席地

危坐一聞

太皇太后聲息卽趨至榻前凡有所需手

奉以進因此晝夜不能少離

太皇太后屢有德音命朕回宮少宜自愛
朕念幼蒙

太皇太后撫養教訓三十餘年罔極

深恩難以報答今見病體依然五內焦灼
莫知所措朕躬寢處何暇顧計覽奏具見
大小臣工愛君誠悃但當此時不竭心盡

御製文第二集

卷五 勅諭

三

力少抒仰報之忱異日雖欲依戀

慈闈竭朕心力豈易得耶所奏已知之康

熙二十六年十二月十一日

諭大學士勒德洪等

朕忽遭大故五中潰糜非不知恪遵

遺誥守身為重勉自節哀強進飲食但悲

從中來情實痛切莫由自主以至昏迷卽

欲少餐饘粥亦不能下咽非故却不御覽

奏具見誠悃朕當強支自愛卿等無須過

慮康熙二十六年十二月二十七日

諭大學士勒德洪等

據奏元旦請朕還宮人主宮殿原多可以

御製文第二集

卷五 勅諭

三

因時移蹕若在庶民遭此大故所居止於

一室又遷避何所回宮斷不可行卿等念

切愛君恐朕哀毀過甚諄懇再三勉從所

請強節哀情康熙二十六年十二月三十

日